



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

**Broj: T20 0 KT 0019421 20**  
**Sarajevo, 18.08.2022. godine**

**SUD BOSNE I HERCEGOVINE**  
**Sudija za prethodno saslušanje**

Na osnovu člana 35. stav 2. tačka i), i člana 226. Zakona o krivičnom postupku Bosne i Hercegovine, podižem:

**OPTUŽNICU**

**Protiv:**

**[REDACTED] Kalajevac Edina, nadimak „Edo“, [REDACTED] rodenog [REDACTED] 1982. godine u Tuzli, [REDACTED] državljanina Bosne i Hercegovine, [REDACTED]**

**Što je:**

Dana 16.08.2020. godine oko 13,40 sati, na teritoriji Bosne i Hercegovine, svjestan da prevozi krijumčarena lica u BiH, i da time omogućava boravak tih lica na području BiH, a znajući da ne ispunjavaju uslove za zakoniti boravak na području BiH, kako bi pribavio protivpravnu imovinsku korist, protivno članu 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN protiv transnacionalnog i organizovanog kriminala (Sl. glasnik BiH broj 37/02), u namjeri sticanja protivpravne imovinske koristi i to da za novčani iznos od 50 Eura preveze deset stranih državljanina od mjesta Međaš, opština Kalesija, do Tuzle, te je u-putničko

motorno vozilo marke „VW Jetta“, registraskih oznaka [REDACTED] preuzeo četiri strana državljana u prvom navratu, te ih odveo od mjesta Međaš do glavne autobuske stanice u Tuzli, nakon čega se vratio po ostalih šest lica i to: [REDACTED]

[REDACTED] državljani Pakistana, koji su u namjeri da ilegalno otputuju u zemlje Zapadne Evrope dogovorili sa njima poznatim licem da im organizuje ilegalno putovanje, za određeni novčani iznos, i koje su prešle nezakonito državnu granicu između Republike Srbije i Bosne i Hercegovine, van graničnih mjesta otvorenih za međunarodni promet, što je protivno članu 7. stav 2. Zakona o graničnoj kontroli (Sl.glasnik BiH broj 53/09, 54/10 i 47/14), i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima (Sl. glasnik BiH broj 88/15), te iako je Kalajevac Edinu bilo poznato da se radi o krijumčarenim licima, primio ih i povezo u putničkom motornom vozilu marke „VW Jetta“, [REDACTED], da bi istog dana oko 14,50 sati u mjestu Međaš, opština Kalesija, prilikom kontrole navedenog vozila policijski službenici PS Kalesija uočili šest stranih državljana koji nisu imali pravo boravka u BiH,

**Dakle,** prevezio krijumčarena lica u Bosni i Hercegovini, omogućivši na taj način boravak krijumčarenim licima u BiH,

**Čime je počinio:**

krivično djelo „Krijumčarenje ljudi“ iz člana 189. stav 2. Krivičnog zakona Bosne i Hercegovine.

TUŽILAC  
TUŽILAŠTVA-TUŽITELJSTVA BiH